

Newspaper	BERITA HARIAN
Date	05 JUNE 2017

# PM, warga kota berbuka di Dataran Merdeka

BH-5/6/2017 pg. 2

**Kuala Lumpur:** Perdana Menteri, Datuk Seri Najib Razak bersama lebih 4,000 warga kota berbuka puasa pada Program Iftar @ KL 2017 di Dataran Merdeka, malam tadi.

Najib yang berbaju Melayu dan berkain pelikat tiba bersama isteri, Datin Seri Rosmah Mansor pada jam 7 malam disambut Menteri di Jabatan Perdana Menteri, Datuk Seri Jamil Khir Baharom dan Menteri Wilayah Persekutuan, Datuk Seri Tengku Adnan Tengku Mansor.

Beliau dan isteri kemudian menyerahkan bubur lambuk kepada 40 penerima, melawat trak makanan dan khemah bubur lambuk serta bertadarus bersama 500 pelajar Maahad Tahfiz.

Selesai berbuka, Najib dan isteri menunaikan solat Maghrib berjeamaah di Dataran Merdeka ber-

sama umat Islam yang diimamkan Imam Makkah, Sheikh Mohd Idris Al-Masyrafi.

## **Program tahunan**

Iftar@KL adalah program tahunan anjuran Jabatan Kebudayaan dan Kesenian Negara (JKKN), Kementerian Pelancongan dan Kebudayaan berlangsung setiap Sabtu dan Ahad, mulai 3 hingga 18 Jun ini berhadapan Bangunan Sultan Abdul Samad.

Program sempena Ramadan itu mendapat kerjasama Dewan Bandaraya Kuala Lumpur (DBKL) dan Jabatan Kemajuan Islam Malaysia (JAKIM).

Iftar@KL 2017 wadah menyemarakkan kegiatan kerohanian dan kesenian Islam dalam kalangan masyarakat, khususnya generasi muda.